

GRAĐANSKI MANIFEST ZA EVROPSKU MAKEDONIJU

Danas se iznad Makedonije ne rađa sunce slobode. Danas nam sunce zalazi. Postaje mračno i tama nas obavija. Teška propagandna magla zemlju nam pokriva. Pospalost našeg razuma proizvela je hiljade političkih monstura. Oni koriste našu ravnodušnost kako bi sisali krv naše teško steknute države. Koriste naš strah i našu malodušnost da bi gazili naša prava i slobode.

Poštovane građanke i građani,
Vi koji želite živjeti u evropskoj, a ne u neakvoj neolitskoj, biblijskoj ili antičkoj Makedoniji, pridružite se u borbi protiv okupatora naše svijesti i savjesti!

Naša borba je za obnovu dostojanstva građana. Naša borba je protiv političara koji govore o evropeizaciji i o borbi protiv korupcije, a sprovode bukefalizaciju i korumpiraju medijume, sudije, akademike i rektore. Naša borba je protiv kvazi demokrata koji nose odluke iza zatvorenih vrata. Naša borba je protiv narodnih plaćenika koji su hram demokratije pretvorili u sram za demokratiju! Naša je borba protiv vlastodržaca koji svakodnevno zloupotrebljavaju ime Makedonije za lične, familijarne i stranačke interese. Naša borba je protiv takozvanih boraca za ime i identitet koji daju argumente grčkim nacionalistima, a od nas prave zarobljenike u mržnji prema svim Grcima. To su oni isti „borci“ koji se pojavljuju kao grčki svjedoci u sudskim presudama protiv naše države, dok milionske kazne plaćamo svi mi.

Dragi građani i građanke,
Mi nismo naivni! Ne pijemo „grčku“ naftu, i ne pijemo „švedsko“ mlijeko od domaćih krava! Znamo šta želimo, a šta ne želimo, i imamo pravo na borbu protiv svih koji onemogućavaju našu integraciju u EU.

Ne želimo izoliranu i provincijaliziranu Makedoniju! Hoćemo državu u kojoj vlada pravo, a ne samovolja stranačkih despota. Hoćemo državu u kojoj građani i građanke mogu slobodno birati i biti izabrani bez straha da će ih pogoditi metak na glasačkom mjestu.

Ne želimo državu u kojoj se sredstva iz budžeta troše za stranačko reklamiranje i za manipuliranje s javnošću, a ne za rješavanje problema građana. Dosta nam je korumpiranih gazdi medijuma i zastrašenih novinara poslušnika. Dosta nam je stranačkih megafona koji nas truju teorijama zagovora, svakodnevno jedu burek, i u ime naroda padaju na kolena pred „pastirom“. Ne želimo plaćati priredbu u 100 koraka niti preporod u 100 kampanja! Ne želimo da budžet tajne policije bude veći od budžeta za smanjenje siromaštva i nezaposlenosti. Ne želimo javnu administraciju, koja umjesto građanima, služi stranačkim interesima. Ne želimo kulturnu politiku svedenu na instrument za političku manipulaciju i nacionalističku demagogiju. Ne želimo umjesto metropola kulture, da Skopje bude nekropola kiča!

Poštovane građanke i građani,
Nismo zaslužili političare za koje su omladina, studenti, poljoprivrednici, stečajci i penzioneri, samo „ciljne grupe“. Nismo zaslužili živjeti u strahu od „harača“ gdje se velikim kaznama kažnjavaju sitni prekršaji javnog reda i mira. Nismo zaslužili vlast kojoj aplaudiraju kojekakva nevladina udruženja koja finansira vlast. Nismo zaslužili vlast koja pred kamerama sadi drvjeća koja ne hvataju korijena i ne pustaju lišće. Nismo zaslužili kamere u bolnicama i u bolničkim sobama koje ne ispunjavaju čak ni zatvoreničke standarde. Ne želimo vlast koja nam ulazi u spavaćim sobama i dijeli žene na one koje su „za“ i „protiv“ čedomorstva.

Ne treba nam vlast koja harči desetice miliona eura na spotove i spomenike kako bi nas ubjedili da nismo ti što jesmo i da ćemo biti ono što vlast misli da trebamo biti. Ne treba nam vlast koja govori o nacionalnom jedinstvu, a stvara nove nacionalne i vjerske sukobe. Ne treba nam vlast iza čijeg se rodoljublja krije sebeljublje, slavoljublje, srebroljublje i vlastoljublje.

Poštovani građani i građanke Evropske Makedonije!

Naša borba je borba za građansko jedinstvo izgrađeno na principima koji prevazilaze etničke strasti. Naša borba je za demokratsko društvo u kojem bi nosilac suvereniteta bio građanin, a ne etnički, vjerski i stranački kolektiviteti koje kontroliraju vođe. Oni vladaju nama i umjesto da grade mostove, kopaju jazove.

Srcem i umom pridružite se u pohod ka Evropskoj Makedoniji!
Živjela Evropska Makedonija!

Skopje, 1 februar 2009 godina

Ukoliko želite da nam se pridružite, pošaljite poruku na: gem@sonet.com.mk

